

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCVIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

CCCVIII.

WENCESLAI IMP. PRIVILEGIUM FORI, HESSONI
ET JOHANNI, HACHBERGENSIBUS MARCHIONIBUS
DATUM.

ANNO MCCCXCVIII.

Ex tabulario Bada - Durlacensi.

Wir Wentzlaw von Gotes Gnaden, Romischer König zu allen
zeiten merer des Reichs vnd König zu Beheim Bekennen vnd
tun kunt offenlichen mit diesem briue, allen den die In sehen oder horen
lesen, das wir haben angesehen dinste vnd trewe, als vns vnd dem Reiche,
die Edeln Hesse vnd Hans Margrafen zu Hochberg vnser vnd des
Reichs liben getrewen ofte vnd dicke nutzlichen vnd willichen getan haben
vnd fürbas tun sollen vnd mogen in künftigen tzeiten, vnd haben In dorumb
mit wolbedachtem Mute, gutem Rate vnd rechter wissen diese besundero gna-
de vnd Freyheit getan vnd tun In die in kraft ditz briues vnd Romischer
kuniglicher mechte, das sie, oder Ir leüte, gütere, diner vnd vnderfessen
nyemand für dhein Lantgericht, noch sust dhein ander Gerichte, vmb
dheinerley sachen heischen laden noch fürtreiben solle in dheineweis, dann
allein für vnser vnd des Reichs Hofgerichte, do ouch einem iglichen cle-
ger vmb alle Zuspruche von In ein vollkumen recht widerfaren sol als
billich ist, vnd weres sachen, das die egenanten Hesse vnd Hans, oder dheiner
der iren leüte güter diner oder vnderfessen vber suche vnser gnade, an dhein

ander gericht dann für vnser vnd des Reichs Hofgericht geheischen oder geladen wurden, oder sie vnd die Iren dorüber in dheim Acht kumen weren, Meinen vnd wollen wir, das In solche ladung vnd heischung keinen schaden brengen vnd auch dieselben Acht gantzlich absein solle, vnd tun auch die abe in kraft ditz briues vnd Romischer kuniglicher mechte vnd gebieten dorumb allen vnd iglicheu Fürsten geistlichen vnd wertlichen, Grafen, Freyen, Herren, dinstluten, Rittern, Knechten, Lantrichtern, Richtern, gemeinscheften der Stete, Merkte vnd Dorffer vnd suß allen andern vnsern vnd des Reichs vndertanen vnd getrewen, das sie die egenant Hessen vnd Hanfen, noch ire leüte oder güter wider die egenant vnser gnade vff dheim Lantgericht, oder suß dheim ander gericht, nicht laden fürtreiben oder heischen, oder vber sye vrteylen in dheine weis, dann allein für vnser vnd des Reichs Hofgerichte als vorgeschriben stet Als libe eüch sey vnser vnd des Reiche swer vngnade zuuormeyden. Mit vrkunt ditz briefs vorsegelt mit vnser kuniglichen Maiesstat Insigel. Geben zu Frankensfurt noch Cristes geburt dreytzenhundert Jare vnd dornach in dem Acht vnd neüntzigsten Jaren, des Freytages noch sand Anthonij tage vnser Reiche des Behemischen in dem Fünf vnd dreißigstem vnd des Romischen in dem Czwey vnd tzeuintigstem Jaren.

Per Dominum Lampertum Episcopum Bambergensem.
Franciscus Canonicus Pragensis.

||
(L. S.)
